

四庫全書

史部

欽定四庫全書

史部

繹史卷十八

九

詳校官檢討

臣羅國俊

編修

臣

裴謙覆勘

覆校官博士

臣

劉光第

校對官中書

臣

陳林

謄錄監生

臣

潘衡

欽定四庫全書

緯史卷十八

靈壁縣知縣馬驥撰

周室始興

史記周后稷名弃其母有邠氏女曰姜原姜原為帝嚳元妃姜原出野見巨人蹟心欣然說欲踐之踐之而身動如孕者居期而生子以為不祥弃之隘巷馬牛過者皆辟不踐徙置之林中適會山林多人遷之而弃渠中冰上飛鳥以其翼覆薦之姜原以為神遂收養長之初

欲弃之因名曰弃弃為兒時屹如巨人之志其游戲好種樹麻菽麻菽美及為成人遂好耕農相地之宜宜穀者稼穡焉民皆法則之帝堯聞之舉弃為農師天下得其利有功帝舜曰弃黎民始飢爾后稷播時百穀封弃

于邠號曰后稷別姓姬氏

吳越春秋棄為兒時好種樹禾黍桑麻五穀相五土之宜

青赤黃黑陵水高下稌稷黍禾蕡麥豆稻各得其理堯遭洪水人民泛濫逐高而居堯聘棄使教民山居隨地造區妍營樹之術三年餘行人無飢乏之色乃拜棄為農師封之台
春秋元命苞稷岐頤自求是謂好農蓋象角亢載土食穀

詩厥初生民時維姜嫄生民如何克禋克祀以弗無子
履帝武敏歆攸介攸止載震載夙載生載育時維后稷
誕彌厥月先生如達不拆不副無苗無害以赫厥靈上
帝不寧不康禋祀居然生子誕置之隘巷牛羊腓字之
誕寘之平林會伐平林誕寘之寒冰鳥覆翼之鳥乃去
矣后稷呱矣實覃實訏厥聲載路誕實匍匐克岐克嶷
以就口食蓺之荏菹荏菹旆旆禾役穰穰麻麥幪幪瓜
瓞嗶嗶誕后稷之穡有相之道第厥豐草種之黃茂實

方實苞實種實裒實發實秀實堅實好實穎實粟即有
邵家室誕降嘉種維秬維秠維糜維芑恒之秬秠是穫
是畝恒之糜芑是任是負以歸肇祀誕我祀如何或春
或揄或簸或蹂釋之叟叟烝之浮浮載謀載惟取蕭祭
脂取羝以較載燔載烈以興嗣歲印盛于豆于豆于登
其香始升上帝居歆胡臭亶時后稷肇祀庶無罪悔以
迄于今

詩序生民尊祖也后稷生於姜嫄文武之功起於后稷故推以配天焉○詩作於後王之世而

所述者后稷之功德故錄於此以證其事餘倣此

史記后稷之興在陶唐虞夏之際皆有令德后稷卒子

不窋立

山海經西南黑水之間有廣都之野后稷葬焉爰有膏菽膏稻膏黍膏稷百穀自生冬夏播琴

鸛鳥自歌鳳鳥自舞靈壽實華草木所聚爰有百獸相萃爰處此草也冬夏不死

后稷是播百穀稷之孫曰

叔均是始作牛耕

稷

之弟曰台顓生叔均叔均是代

其父及稷播百穀始作耕

帝王世紀后稷納姑氏生

不窋末年夏后氏政衰去稷不務不窋以失其官而

犇戎狄之間不窋卒子鞠立鞠卒子公劉立

○譙周案國語云世

后稷以服事虞夏言世稷官是失其世數也若以不窋親棄之子至文王千餘歲惟十五代實不合事情又歐

陽公洪容齋羅長源皆辨其非

吳越春秋公劉慈仁行不履生草運車以避葭葦公劉

避夏桀於戎狄變易風俗民化其政

漢書周之先自后稷堯封之邵積德

累善十餘世公劉避桀居豳○十餘世是

詩篤公劉匪居匪康迺場迺疆迺積迺倉迺裹餼糧于

橐于囊思輯用光弓矢斯張干戈戚揚爰方啓行篤公

劉于胥斯原既庶既繁既順迺宣而無永歎陟則在巘

復降在原何以舟之維玉及瑤鞞琫容刀篤公劉逝彼

百泉瞻彼溥原迺陟南岡迺覲于京京師之野于時處

處于時廬旅于時言言于時語語篤公劉于京斯依蹕
蹕濟濟俾筵俾几既登乃依乃造其曹執豕于牢酌之
用匏食之飲之君之宗之篤公劉既溥既長既景迺岡
相其陰陽觀其流泉其軍三單度其隰原徹田為糧度
其夕陽幽居允荒篤公劉于幽斯館涉渭為亂取厲取
鍛止基迺理爰衆爰有夾其皇澗遡其過澗止旅迺密
芮鞠之即

詩序公劉召康公戒成王也成王將蒞政
戒以民事美公劉之厚於民而獻是詩也

史記公劉雖在戎狄之間復修后稷之業務耕種行地

宜自漆沮度渭取材用行者有資居者有畜積民賴其慶百姓懷之多徙而保歸焉周道之興自此始故詩人

歌樂思其德公劉卒子慶節立國於豳慶節卒子皇僕

立皇僕卒子差弗立差弗卒子毀隃立毀隃卒子公非

立公非卒子高圉立高圉卒子亞圉立亞圉卒子公叔

祖類立公叔祖類卒子古公亶父立

世本公劉慶節皇僕差弗爲隃公非

辟方高圉侯年亞圉雲都太公組紺諸盤亶父漢書雲都亞圉弟紀年殷祖乙十五年命邵侯高圉盤

庚十九年命邵侯亞圉祖甲十三年命邵侯組紺○宋忠云高圉能率稷者也周人報之古公亶

父復修后稷公劉之業積德行義國人皆戴之薰育戎狄攻之欲得財物予之已復攻欲得地與民民皆怒欲戰古公曰有民立君將以利之今戎狄所為攻戰以吾地與民民之在我與其在彼何異民欲以我故戰殺人父子而君之予不忍為乃與私屬遂去豳渡漆沮踰梁山止於岐下豳人舉國扶老攜弱盡復歸古公於岐下及他旁國聞古公仁亦多歸之於是古公乃貶戎狄之俗而營築城郭室屋而邑別居之作五官有司民皆歌

樂之頌其德

莊子太王亶父居邠狄人攻之事之以皮幣而不受事之以犬馬而不受事之以珠玉而不受狄人之所求者土地也太王亶父曰與人之兄居而殺其弟與人之父居而殺其子吾不忍也子皆勉居矣為吾臣與為狄人臣奚以異且吾聞之不以所用養害所養因杖策而去之民相連而從之遂成國於岐山之下

吳越春秋古公杖策去邠踰梁山而處岐周曰彼君與

我何異邠人父子兄弟相率負老攜幼揭釜甑而歸古
公居三月成城郭一年成邑二年成都而民五倍其初
琴苑要錄岐山操周太王之所作也曰狄戎侵兮土地
遷移邦邑適於岐山庶民不憂兮誰者知嗟嗟奈何兮
予命
遭斯

詩縣縣瓜瓞民之初生自土沮漆古公亶父陶復陶穴
未有家室古公亶父來朝走馬率西水滸至于岐下爰
及姜女聿來胥宇周原膴膴藿荼如飴爰始爰謀爰契
我龜曰止曰時築室于茲迺慰迺止迺左迺右迺疆迺

理迺宣迺敵自西徂東周爰執事乃召司空乃召司徒
俾立室家其繩則直縮版以載作廟翼翼棟之隕隕度
之薨薨築之登登削屨馮馮百堵皆興鼙鼓弗勝迺立
臯門臯門有伋迺立應門應門將將迺立冢土戎醜攸
行肆不殄厥愠亦不隕厥問柞棫拔矣行道兌矣混夷
駮矣維其喙矣

詩序緣文王之
興本由大王也

皇矣上帝臨下有赫

監觀四方求民之莫維此二國其政不獲維彼四國爰
究爰度上帝耆之憎其式廓乃眷西顧此維與宅作之

屏之其菑其翳修之平之其灌其桷啓之辟之其揔其

据攘之剔之其縻其柘帝遷明德串夷載路天立厥配

受命既固

○皇矣前二章列女傳太姜者有呂氏之女太王娶以為妃生太伯仲雍王季貞順率

道靡有過失太王謀事遷徙必與太姜

史記古公有長子曰太伯次曰虞仲太姜生少子季歷

季歷娶太任皆賢婦人生昌有聖瑞古公曰我世當有

興者其在昌乎長子太伯虞仲知古公欲立季歷以傳

昌乃二人亡如荊蠻文身斷髮以讓季歷古公卒季歷

立是為公季

論衡太王薨太伯還王季避之太伯再讓王季不聽三讓曰吾之吳越吳越之俗斷

髮文身吾刑餘之人不可為宗廟社稷之主王季知不可權而受之韓詩外傳太王賢昌而欲季為後也太

伯去之吳太王將死謂曰我死汝往讓兩兄彼即不來汝有義而安太王薨季之吳告伯仲伯仲從季而歸羣

臣欲伯之立季季又讓伯謂仲曰何以處之仲曰刑有所謂矣要於扶微者可以立季季遂立而養文王文王

果受命而王孔子曰太伯獨見王季獨知伯見父志季知父心故太王太伯王季可謂見始知終而能承志矣

公季修古公遺道篤行仁義諸侯順之

詩帝省其山柞棫斯拔松柏斯兌帝作邦作對自大伯
王季維此王季因心則友則友其兄則篤其慶載錫之

光受祿無喪奄有四方維此王季帝度其心貊其德音
其德克明克明克類克長克君王此大邦克順克比比
于文王其德靡悔既受帝祉施于孫子

○皇矣三章四章

後漢書武乙暴虐犬戎寇邊周古公踰梁山而避於岐
下及子季歷遂伐西落鬼戎太丁之時季歷復伐燕京
之戎戎人大敗周師後二年周人克余無之戎於是太
丁命季歷為牧師自是之後更伐始呼翳徒之戎皆克

之

紀年武乙三十四年周公季歷來朝王賜地三十里
五十穀馬十匹 三十五年周王季伐西落鬼戎俘

二十翟王 文丁二年周人伐燕京之戎周師大敗
四年周人伐余無之戎克之周王季命為殷牧師 七
年周人伐始呼之戎克之 十一年周人伐翳徒之戎
抗其三大夫 王嘉季歷之功賜之圭瓚桓匱九命為
伯既而執諸塞庫季歷困而死 孔叢子羊容問子思
曰古之帝王中分天下使二公治之謂之二伯周自后
稷封為王者後子孫據國至太王王季文王此固世為
諸侯矣焉得為西伯乎子思曰吾聞諸子夏殷王帝乙
之時王季以功九命作伯受圭瓚桓匱之賜故文王
因之得專征伐此以諸侯為伯猶周召之君為伯也

周室以仁厚始基開國承家世有令德歷夏商千有
餘載王業始成祚年八百本固者其枝茂原深者其
流長也后稷在陶唐虞夏之際播時百穀受封有邰

功誠偉矣使其世嗣農官守土保邦俾無廢先人之
業宜足以報其厚德矣顧不數傳而不密失官竄於
戎翟公劉際夏桀之虐亶父遭獯鬻之偏轉徙播遷
如是其艱難也曰非憂患無以啓賢聖非積累無以
基崇高史稱公劉修后稷之業生聚再繁邦家再盛
周道之興自此故詩人歌思其德當其相宜取材行
有資而居有積可想其度地建國和輯人民之規焉
篤公劉之所以列於大雅也務勤耕桑占天時察物

侯可想其重農力本孝慈忠愛之俗焉七月之所以
錄於豳風也傳曰厲山氏有子曰柱能殖百穀故祀
以為稷周棄亦為稷自商以來祀之蓋商有天下變
置社稷以周棄之功多廢柱立棄以報有德而豳侯
亦承公劉新造之國蒙業而安者十有餘世逮殷衰
而狄人內訌豳於是不遑寧處矣方獫狁之來侵也
太王曰狄人之所求者土地也吾不忍以所用養害
所養遂杖策而去之夫國之所以為國者以有土土

之所以為土者以有人也棄人與土寧必其有以立
吾國者惟太王弗欲以土地之故殘民於鋒鏑國之
存亡不計焉於是幽人相帥負老攜幼而從之遂居
於岐山之下一年成邑二年成都旁國亦多歸之其
民五倍詩所謂爰契我龜憎其式廓者也惟時太王
之少子季歷生昌實有聖瑞太王曰興吾世者其在
昌乎長子泰伯及弟仲雍望風知指相率而逃荊蠻
泰伯讓國於季歷季歷傳文王文王傳武王終有天

下是所讓者國而所以讓者天下也故曰三以天下讓民無得而稱焉傳曰太王有翦商之志泰伯不從是以不嗣說詩者可謂以文害辭矣詩稱至于太王實始翦商謂太王避狄遷岐百姓歸其仁周家代商之業實始基於此云爾文王猶勤服事之節豈太王遽有圖商之志且是時受辛未作商命未改太王方棄國於可禦之狄乃欲取天下於未亂之商豈不厚誣哉至如泰伯不過一亡公子採藥荆蠻而人心歸

之遂啓吳國假令因岐山之舊邦他日商周之際寧
不足以朝諸侯而有天下則謂之以天下讓也其誰
曰不然

緯史卷十八

欽定四庫全書

緯史卷十九

靈壁縣知縣馬驥撰

文王受命

列女傳太任者摯任氏中女也王季娶為妃太任之性
端一誠莊惟德之行及其有娠目不視惡色耳不聽淫
聲口不出惡言能以胎教洩於豕牢而生文王文王生
而明聖太任教之以一而識百君子謂太任為能胎教
古者婦人妊子寢不側坐不邊立不蹕食不邪味割不

正不食席不正不坐目不視於邪色耳不聽於淫聲夜

則令瞽誦詩道正事如此則生子形容端正才必過人

矣宋書符瑞志初黃帝之世讖言曰西北為王期在甲子昌制命發行誅旦行道及公劉之後十三世而生

李廔李歷之十年飛龍盈於殷之牧野此蓋聖人在下位將起之符也李歷之妃曰太任夢長人感已濬於豕

牢而生昌是為周文王龍顏虎肩身長十尺胸有四乳

白虎通文王四乳是謂至仁天下所歸百姓所親

春秋元命苞文王四乳是謂含良蓋法酒旗布恩舒明

文王龍顏柔肩望羊姬昌蒼帝之精位在房心

雄書靈準聽蒼帝姬昌日角鳥鼻長八尺二寸聖智慈

理也春秋合誠圖蒼帝之為人望之廣視之專而長

九尺

一寸

詩摯仲氏任自彼殷商來嫁于周曰嬪于京乃及王季
維德之行大任有身生此文王維此文王小心翼翼昭
事上帝聿懷多福厥德不回以受方國

○大明二章

禮記文王之為世子朝於王季日三雞初鳴而衣服至
於寢門外問內豎之御者曰今日安否何如內豎曰安
文王乃喜及日中又至亦如之及莫又至亦如之其有
不安節則內豎以告文王文王色憂行不能正履王季
復膳然後亦復初食上必在視寒煖之節食下問所膳

命膳宰曰未有原應曰諾然後退

○文王世子
文王之為太子也

其孝大矣寺人言疾太子肅冠而齋膳宰之饌必敬視之湯液之貢必親嘗之嘗饌善則太子亦能食嘗饌寡則太子亦不能飽以至於復初然後亦復初君后有過怡聲以諷君后所愛雖小物必嚴糞是以孝成於身道

洽天下

史記公季卒子昌立是為西伯西伯曰文王遵后稷公劉之業則古公公季之法薦仁敬老慈少禮下賢者日中不暇食以待士士以此多歸之

墨子文王封於岐周絕長繼短方地百里與其百姓無

相愛交相利則是以近者安其政遠者歸其德聞文王者皆起而趨之罷不肖股肱不利者處而願之曰柰何乎使文王之地及我吾則吾利豈不亦猶文王之民也哉文王之治西土若日若月乍光于四方于西土不為大國侮小國不為衆庶侮鰥寡不為暴勢奪穡人黍稷狗彘天屑臨文王慈是以老而無子者有所得終其壽連獨無兄弟者有所雜於生人之間少失其父母者有所放依而長

○有脫誤

呂氏春秋周文王立國八年歲六月文王寢疾五日而地動東西南北不出國郊百吏皆請曰臣聞地之動為人主也今王寢疾五日而地動四面不出周郊羣臣皆恐曰請移之文王曰若何其移之也對曰興事動衆以增國城其可以移之乎文王曰不可夫天之見妖也以罰有罪也我必有罪故天以此罰我也今故興事動衆以增國城是重吾罪也不可文王曰昌也請改行重善以移之其可以免乎於是謹其禮秩皮革以交諸侯飾

其辭令幣帛以禮豪士頒其爵列等級田疇以賞羣臣
無幾何疾乃止文王即位八年而地動已動之後四十
三年凡文王立國五十一年而終此文王之所以止殃
翦妖也

列女傳太姒者有藝姒氏之女仁而明道文王嘉之親
迎於渭造舟為梁及入太姒思媚太姜太任旦夕勤勞
以進婦道太姒號曰文母文王理陽道以治外文母理
陰道以治內太姒生有十男長伯邑考次則武王發次

則周公旦次則管叔鮮次則蔡叔度次則曹叔振鐸次則霍叔武次則成叔處次則康叔封次則聃季載太姒教誨十子自少及長未嘗見邪辟之事卒成武王周公之德

○管叔周公之兄也此誤大紀云昌為世子娶於有莘氏曰太姒太姒不妒忌而西伯有內行此德

政之所以流布而風化之所以大興也

詩天監在下有命既集文王初載天作之合在洽之陽在渭之涘文王嘉止大邦有子大邦有子覩天之妹文定厥祥親迎于渭造舟為梁不顯其光有命自天命此

文王于周于京纘女維莘長子維行篤生武王保右命

爾變伐大商

○大明四
五十六章

思齊大任文王之母思媚周姜

京室之婦太姒嗣徽音則百斯男惠于宗公神罔時怨

神罔時恫刑于寡妻至于兄弟以御于家邦雖雖在宮

肅肅在廟不顯亦臨無射亦保肆戎疾不殄烈假不瑕

不聞亦式不諫亦入肆成人有德小子有造古之人無

數譽髦斯士

詩序思齊文
王所以聖也

關關雎雎在河之洲窈窕淑

女君子好逑參差荇菜左右流之窈窕淑女寤寐求之

求之不得寤寐思服悠哉悠哉輾轉反側參差荇菜左
右采之窈窕淑女琴瑟友之參差荇菜左右采之窈窕

淑女鐘鼓樂之

詩序關雎后妃之德也風之始也所以風天下而正夫婦也故用之鄉人焉用

之邦國焉風風也教也風以動之教以化之詩者志之所之也在心為志發言為詩情動於中而形於言言之不足故嗟歎之嗟歎之不足故永歌之永歌之不足不知手之舞之足之蹈之也情發於聲聲成文謂之音治世之音安以樂其政和亂世之音怨以怒其政乖亡國之音哀以思其民困故正得失動天地感鬼神莫近乎詩先王以是經夫婦成孝敬厚人倫美教化移風俗故詩有六義焉一曰風二曰賦三曰比四曰興五曰雅六曰頌上以風化下下以風刺上主文而譎諫言之者無罪聞之者足以戒故曰風至於王道衰禮義廢政教失

國異政家殊俗而變風變雅作矣國史明乎得失之迹
傷人倫之廢哀刑政之苛吟咏情性以風其上達於事
變而懷其舊俗者也故變風發乎情止乎禮義發乎情
民之性也止乎禮義先王之澤也是以一國之事繫一
人之本謂之風言天下之事形四方之風謂之雅雅者
正也言王政之所由廢興也政有小大故有小雅焉有
大雅焉頌者美盛德之形容以其成功告於神明者也
是謂四始詩之至也然則闕雝麟趾之化王者之風故
繫之周公南言化自北而南也鵲巢騶虞之德諸侯之
風也先王之所以教故繫之召公周南召南正始之道
王化之基是以闕雝樂得淑女以配君子憂在進賢不
淫其色哀窈窕思賢才而無傷善之心焉是闕雝之義
也○朱子以詩者志之所之也至詩之
至也為大序其餘首尾為本篇之小序
葛之覃兮施于
中谷維葉萋萋黃鳥于飛集于灌木其鳴喈喈葛之覃

兮施于中谷維葉莫莫是刈是穫為絺為綌服之無數
言告師氏言告言歸薄汚我私薄澣我衣害澣害否歸
寧父母 采采卷耳不盈頃筐嗟我懷人寘彼周行陟
彼崔嵬我馬虺隤我姑酌彼金罍維以不永懷陟彼高
岡我馬玄黃我姑酌彼兕觥維以不永傷陟彼砠矣我
馬瘠矣我僕痡矣云何吁矣 南有樛木葛藟纍之樂
只君子福履綏之南有樛木葛藟荒之樂只君子福履
將之南有樛木葛藟縈之樂只君子福履成之 螽斯

羽詵詵兮宜爾子孫振振兮螽斯羽薨薨兮宜爾子孫

繩繩兮螽斯羽揖揖兮宜爾子孫蟄蟄兮

詩序葛覃后妃之本也

妃在父母家則志在於女功之事躬儉節用服澣濯之衣尊敬師傅則可以歸安父母化天下以婦道也○朱子云在父母家一句未安卷耳后妃之志也又當輔佐君子求賢審官知臣下之勤勞內有進賢之志而無險詖私謁之心朝夕思念至於憂勤也樛木后妃建下也言能逮下而無嫉妒之心焉螽斯后妃子孫衆多也言若螽斯不妒忌則子孫衆多也

桃之夭夭灼灼其華之子于歸

宜其室家桃之夭夭有其實之子于歸宜其家室桃

之夭夭其葉蓁蓁之子于歸宜其家人

詩序桃夭后妃之所致也不妒

忌則男女以正婚姻
以時國無鯀氏也

肅肅免置楸之丁丁赳赳武夫

公侯干城肅肅免置施于中達赳赳武夫公侯好仇肅

肅免置施于中林赳赳武夫公侯腹心

詩序免置后妃之化也闕匪之

化行則莫不好德賢人衆多也○朱子曰此序首句非是金仁山曰按墨子書文王舉閼天泰顛於置網之中此事於免置之詩最為脗合

采采芣苢薄言采之采采芣苢薄言

有之采采芣苢薄言掇之采采芣苢薄言撝之采采芣

苢薄言袺之采采芣苢薄言襋之

詩序芣苢后妃之美也和平則婦人樂有

子矣列女傳宋人之女嫁於蔡而夫有惡疾其母將改嫁之女曰夫之不幸乃妾之不幸也奈何去之且夫

采采芣苢之草雖其臭惡猶始於將采之終於懷衽之浸以益親況於夫婦之道乎終不聽其母乃作芣苢之

詩韓詩內傳
芣苢傷夫也

南有喬木不可休息漢有游女不可

求思漢之廣矣不可泳思江之永矣不可方思翹翹錯

薪言刈其楚之子于歸言秣其馬漢之廣矣不可泳思

江之永矣不可方思翹翹錯薪言刈其萋之子于歸言

秣其駒漢之廣矣不可泳思江之永矣不可方思詩序

德廣所及也文王之道被於南國美化行乎江漢之域無思犯禮求而不可得也韓詩內傳漢廣說人也

遵彼汝墳伐其條枚未見君子惄如調饑遵彼汝墳

伐其條肄既見君子不我遐棄魴魚赭尾王室如燬雖

則如燬父母孔邇

詩序汝墳道化行也文王之化行乎汝墳之國婦人能閔其君子猶勉之

以正也

韓詩內傳汝墳辭家也

薛君章句王室如

媿雖則如媿

赭赤也

媿烈火也言魴魚

勞則尾赤君子

勞苦則顏色

變以王室政教如烈火矣

猶觸冒而仕者

列女傳周南大

以父母甚迫

近飢寒之憂為此祿仕

夫受命平治水土過時不來妻恐其懈於王事言國家

多難惟勉強之無有譴怒遺父母憂夫鳳凰不罹於蔚

羅麒麟不入

於陷穽蛟龍不反於枯澤鳥獸猶知避害

而況於人乎生於亂世迫於暴虐不得行義然而仕者

為父母在故也乃作詩曰魴魚赭尾王室如毀雖則如

毀父母孔邇

蓋不得已也君子是以知周南之妻能匡

也

夫

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

麟之趾振振公子于嗟麟兮麟之定振振公姓于

嗟麟兮麟之角振振公族于嗟麟兮

詩序麟之趾闕雖之應也闕雖之化

行則天下無犯非禮雖衰世之公子皆信厚如麟趾之時也○之時二字可刪

維鵲有巢維

鳩居之之子于歸百兩御之維巢有巢維鳩方之之子

于歸百兩將之維鵲有巢維鳩盈之之子于歸百兩成

之予以采蘩于沼于汙予以用之公侯之事予以采

蘩于澗之中予以用之公侯之宮被之僮僮夙夜在公

被之祁祁薄言還歸嘤嘤草蟲趯趯旱蝻未見君子

憂心忡忡亦既見止亦既覯止我心則降陟彼南山言

采其薇未見君子憂心悒悒亦既見止亦既覯止我心
則說陟彼南山言采其薇未見君子我心傷悲亦既見
止亦既覯止我心則夷 予以采蘋南澗之濱予以采
藻于彼行潦予以盛之維筐及筥予以湘之維錡及釜

予以奠之宗室牖下誰其尸之有齊季女

詩序勸巢夫
人之德也國

君積行累功以致爵位夫人起家居而有之德如鴈鵠
乃可以配焉 采蘋夫人不失職也夫人可以奉祭祀
則不失職矣 草蟲大夫妻能以禮自防也 采蘋大
夫妻能循法度也能循法度則可以承先祖共祭祀矣

羔羊之皮素絲五紵退食自公委蛇委蛇羔羊之革

素絲五緘委蛇委蛇自公退食羔羊之縫素絲五總委蛇委蛇退食自公

殷其雷在南山之陽何斯違斯莫敢或遑振振君子歸哉歸哉殷其雷在南山之側何斯

違斯莫敢遑息振振君子歸哉歸哉殷其雷在南山之

下何斯違斯莫或遑處振振君子歸哉歸哉

詩序羔羊鵲巢之功

致也召南之國化文王之政在位皆節儉正直德如羔羊也

殷其雷勸以義也召南之大夫遠行從政不遑

寧處其室家能閑其勤勞勸以義也

薛君章句小者曰羔大者曰羊素喻潔白絲喻屈柔純數名也詩人賢

仕為大夫者言其德能稱有潔白之性屈柔之行進退有度數也

嘒彼小星三五在

東肅肅宵征夙夜在公寔命不同嘒彼小星維參與昴

肅肅宵征抱衾與裯寔命不猶江有汜之子歸不我

以不我以其後也悔江有渚之子歸不我與不我與其

後也處江有沱之子歸不我過不我過其嘯也歌詩序小星

惠及下也夫人無妒忌之行惠及賤妾進御於君知其命有貴賤能盡其心矣江有汜美媵也勤而無怨嫡

能悔過也文王之時江沱之間有嫡不以其媵備數媵遇勞而無怨嫡亦自悔也標有梅其

實七兮求我庶士迨其吉兮標有梅其實三兮求我庶

士迨其今兮標有梅頃筐墜之求我庶士迨其謂之

野有死麕白茅包之有女懷春吉士誘之林有樸檉野

有死鹿白茅純束有女如玉舒而脫脫兮無感我悅兮

無使尫也吠

詩序標有梅男女及時也召南之國被文王之化男女得以及時也

野有死麕惡

無禮也天下大亂彊暴相陵遂成淫風被文王之化雖當亂世猶惡無禮也

彼茁者葭壹

發五豝于嗟乎騶虞彼茁者蓬壹發五縱于嗟乎騶虞

詩序騶虞鵲巢之應也鵲巢之化行人倫既正朝廷既治天下純被文王之化則庶類蕃殖蒐田以時仁如騶

虞則王道成也

新書騶者天子之圓也虞者圓之司獸者也天子佐興十乘以明貴也二牲而食以優飽也

虞人翼五豝以待一發所以復中也

齊詩章句騶虞為天子掌鳥獸官

魯詩傳古有梁

儀禮注射義曰騶虞者樂官備也其詩有一發五豝五縱于嗟騶虞之言樂得賢者衆多歎思至仁之人以充其官○朱子曰至成王時周公制禮作樂乃采文王之世風化所及民俗之詩以為房中之樂推之以及於鄉黨邦國所以著明先王風俗之盛使天下後世皆得以取法焉詩傳文王之妃妣氏思得淑女以共內職賦關雎美太姒將歸寧而賦葛覃美文王得良臣於野周人美之賦兔置美受辛無道商人慕文王而歸之賦汝墳美小臣奉使而勤勞於公賦小星美虞人克舉其職國史美之賦鄒虞○詩傳近世偽作然采集舊說多有合者

史記伯夷叔齊在孤竹聞西伯善養老盍往歸之太顛閔夭散宜生鬻子辛甲大夫之徒皆往歸之

荀子閔夭之狀面無

見膚 鬻子昔文王見鬻子年九十文王曰嘻老矣鬻
子曰若使臣捕虎逐麋臣已矣坐策國事臣年尚少○
意林引 劉向別錄辛甲故殷之臣事紂蓋七十五諫
而不聽去至周召公與語賢之告文王文王親自迎之
以為公卿封長子 漢書道家鬻子二十二篇辛甲二
十九篇 小說家鬻子說十九篇 帝王世紀太顛閭
天散宜生南宮适之屬咸至是為四
臣文王雖在諸侯之位襲父為西伯

新書周文王問於粥子曰敢問君子將入其職則其於
民也何如粥子對曰唯疑請以上世之政詔於君王政
曰君子將入其職則其於民也旭旭然如日之始出也
文王曰受命矣曰君子既入其職則其於民也何若對

曰君子既入其職則其於民也瞢瞢然如日之正中文
王曰受命矣曰君子既去其職則其於民也何若對曰
君子既去其職則其於民也暗暗然如日之已入也故
君子將入而旭旭者義先聞也既入而瞢瞢者民保其
福也既去而暗暗者民失其教也文王曰受命矣

鬻子政曰昔者文王問於鬻子敢問人有大忘乎對曰
有文王曰敢問大忘奈何鬻子曰知其身之惡而不改
也以賊其身乃喪其軀其行如此是謂之大忘 政曰

君子不與人謀之則已矣若與人謀之則非道無由也
故君子之謀能必用道而不能必見受能必忠而不能
必入能必信而不能必見信君子非人者不出之於辭
而施之於行故非非者行見惡惡者行善而道諭矣
不肖者不自謂不肖也而不肖見於行雖自謂賢人猶
謂之不肖也愚者不自謂愚而愚見於言雖自謂智人
猶謂之愚 夫國者卿相世賢者有之有國無國智者
治之智者非一日之志治者非一日之謀治志治謀在

於帝王然後民知所保而知所避發教施令為天下福者謂之道上下相親謂之和民不求而得所欲謂之信除去天下之害謂之仁仁與信和與道帝王之器凡萬物皆有器故欲有為不行其器者雖欲有為不成諸侯之欲王者亦然不用帝王之器者不成 天地闢而萬物生萬物生而人為政焉無不能生而無殺也唯天地之所以殺人不能生人化而為善獸化而為惡人而不善者謂之獸有天然後有地有地然後有別有別然後

有義有義然後有教有教然後有道有道然後有理有
理然後有數日有冥有旦有晝有夜然後以為數月一
盈一虧月合月離以數紀四者皆陳以為數治政者衛
也始終之謂衛 昔之帝王所以為明者以其吏也昔
之君子其所以為功者以其民也力生於神而功最於
吏福歸於君昔者五帝之治天下也其道昭昭若日月
之明然若以晝代夜然故其道若首然萬世為福萬世
為教者唯從黃帝以下舜禹以上而已矣君王欲緣五

帝之道而不失則可以長久 政曰民者賢不肖之杖也賢不肖皆具焉故賢人得焉不肖人休焉杖能側焉忠信飾焉民者積愚也雖愚明王選吏焉必使民興焉士民與之明上舉之士民苦之明上去之故王者取吏不忘必使民唱然後和民者吏之程也察吏於民然後隨政曰民者至卑也而使之取吏焉必取所愛故十人愛之則十人之吏也百人愛之則百人之吏也千人愛之則千人之吏也萬人愛之則萬人之吏也故萬人之

吏選卿相矣卿相者諸侯之丞也故封侯之士秩出焉
卿相君侯之本也 聖人在上賢士百里而有一人則
猶無有也王道衰微暴亂在上賢士千里而有一人則
猶比肩也

○今鬻子書篇名次第殘缺
非全書也子書莫先於此

列子鬻熊語文王曰自長非所增自短非所損算之所
亡若何 粥子曰欲剛必以柔守之欲強必以弱保之
積於柔必剛積於弱必強觀其所積以知禍福之鄉強
勝不若已至於若已者剛柔勝出於已者其力不可量

粥熊曰運轉無已天地密移疇覺之哉故物損於彼者盈於此成於此者虧於彼損盈成虧隨生隨死往來相接聞不可省疇覺之哉

○此所以列於道家也諸書驚粥二字通

史記帝乙立殷益衰帝乙長子曰微子啓啓母賤不得嗣少子辛辛母正后辛為嗣帝乙崩子辛立是為帝辛天下謂之紂

呂氏春秋紂之同母三人其長曰微子啓其次曰仲衍其次曰受德受德乃紂也甚少矣紂母之生微子啓與

仲衍也尚為妾已而為妻而後生紂紂之父紂之母欲置微子啓以為太子太史據法而爭之曰有妻之子而不可置妾之子紂故為後用法若此不若無法

○據史記微子

蓋紂異母庶兄

史記帝紂資辨捷疾聞見甚敏材力過人手格猛獸知足以距諫言足以飾非矜人臣以能高天下以聲以為

皆出已之下

論衡紂力能索鐵申鈎撫梁易柱世紀紂倒曳九牛撫梁易柱

帝王

桀紂長巨姣美天下之傑也筋力越勁百人之敵也然

而身死國亡為天下大僂後世言惡則必稽焉

新書

紂自謂

天王

周書昔在文王商紂並立困於虐政將弘道以弼無道
作度訓天生民而制其度度小大以正權輕重以極明
本末以立中立中以補損補損以知足□爵以明等極
極以正民正中外以成命正上下以順政政以內□□

□自邇彌興自遠遠邇備極終也□微補在□□分微
在明明王是以敬微而順分分次以知和知和以知樂
知樂以知哀哀樂以知慧內外以知人凡民生而有好

有惡小得其所好則善大得其所好則樂小遭其所惡則憂大遭其所惡則哀凡民之所好惡生物是好死物是惡民至有好而不讓不從其所好必犯法無以事上民至有惡不讓不去其所惡必犯法無以事上徧行於此尚有頑民而況曰以可去其惡而得其所好民能居乎若不□力何以求之力爭則力政力政則無讓無讓則無禮無禮雖得所好民樂乎若不樂乃所惡也凡民不忍好惡不能分次不次則奪奪則戰戰則何以養老

幼何以救痛疾死喪何以胥役也明王是以極等以斷
好惡教民次分力竟任壯養老長幼有報民是以胥役
也夫力竟非衆不剋衆非和不衆和非中不立中非禮
不慎禮非樂不履明王是以無樂非人無哀非人人是
以衆人衆賞多罰少政之美也罰多賞少政之惡也罰
多則困賞多則乏乏則無醜教乃不至是以民主明醜
以長子孫子孫習服鳥獸仁德土宜天時百物行治治
之初庶初哉治化則順是故無順非厲長幼成而生曰

順極 上失其道民失其業□□凶年作糴匡成年年
穀足賓祭祭以盛大馴鐘絕服美義淫阜畜約制餘子
務藝宮室城廓修為備供有嘉菜於是日滿年儉穀不
足賓祭以中盛樂唯鐘鼓不服美三牧五庫補攝凡美
不修餘子務穡於是糺秩年饑則勤而不賓舉祭以薄
樂無鐘鼓凡美禁書不早羣車不雕攻兵備不制民利
不淫征當商旅以救窮乏聞隨卿下鷺塾分助有匡以
綏無者於是救困大荒有禱無祭國不稱樂企不滿壑

刑罰不修舍用振穹君親巡方卿參告羅餘子倖運開口同食民不藏糧曰有匡裨民畜唯牛羊於民大疾惑殺一人無赦男守疆戎禁不出五庫不膳喪禮無度察以薄資禮無樂宮不幃嫁娶不以時賓旅設位有賜○家

宰制國用大司徒荒政成周規模已畧具於此矣

禮記文王之祭也事死者如事生思死者如不欲生忌日必哀稱諱如見親祀之忠也如見親之所愛如欲色然其文王與詩云明發不寐有懷二人文王之詩也祭

之明日明發不寐饗而致之又從而思之祭之日樂與

哀半饗之必樂已至必哀

○祭義紀年紂六祀周文王初禴於畢

史記好酒淫樂嬖於婦人愛妲己妲己之言是從

紀年帝辛

九祀伐有蘇獲妲己以歸○前編在八祀列女傳妲己嬖幸於紂妲己之所譽貴之妲己之所憎誅之

於是使師涓作新淫聲北里之舞靡靡之樂

釋名瑩簇師延所作

靡靡之樂也後出於桑間濮上之地蓋空國之侯所存也拾遺記師延者殷之樂人也設樂以來世遵此職至師延精述陰陽曉明象緯莫測其為人世載違絕而或出或隱在軒轅之世為司樂之官及殷時總修三皇五帝之樂撫一絃琴則地祇皆升吹玉律則天神俱降當軒轅之時年已數百歲聽衆國樂聲以審興亡之兆

至夏末抱樂器以奔殷而紂淫於聲色乃拘師延於陰宮欲極刑戮師延既被囚繫奏清商流徵滌角之音司獄者以聞於紂紂猶嫌曰此乃淳古遠樂非余可聽說也猶不釋師延乃更奏迷鳧淫魄之曲以歡修夜之娛乃得免炮烙之害周武王興師乃越濮流而逝或云死於水府○荒誕之說

厚賦稅以實

鹿臺之錢而盈鉅橋之粟益收狗馬奇物充仞宮室益廣沙丘苑臺多取野獸蜚鳥置其中慢於鬼神大最樂戲於沙丘以酒為池縣肉為林使男女僕相逐其間為長夜之飲百姓怨望而諸侯有畔者於是紂乃重辟刑有炮烙之法

紀年自盤庚徙殷至紂之滅二百七十三年更不徙都紂時稍大其邑南距朝歌北

據邯鄲及沙丘皆為離宮別館 竹譜淇園殷紂竹箭園也 淮南子紂為天子賦斂無度戮殺無止康梁沈酒宮中成市天下同心而苦之 帝王世紀紂造傾宮作瓊室飾以珠玉七年乃成其大十里其高千丈多發美女以充傾宮之室婦人衣綾紈者三百人美紂宮九市車行酒馬行炙 論衡紂沈湎於酒以糟為正以酒為池牛飲者三千人長夜之飲忘其甲子車行酒騎行炙百二十日為一夜 新序紂為鹿臺七年而成其大二里高千尺臨望雲雨作炮烙之刑戮無辜奪民力冤暴施於百姓慘毒加於大臣天下叛之願臣文王列女傳為炮烙之法膏銅柱加之炭令有罪者行其上輒墮炭中妲己乃笑 帝王世紀紂欲重刑乃先作大戲斗以火契之使人舉不能勝輒爛手與妲己為戲笑論語比考識殷惑妲己玉馬走○宋均注玉馬喻賢臣也 奔去

韓非子紂為長夜之飲懼以失日問其左右盡不知也
乃使問箕子箕子謂其徒曰為天下主而一國皆失日
天下其危矣一國皆不知而我獨知之吾其危矣辭以
醉而不知

史記箕子者紂親戚也紂始為象箸箕子歎曰彼為象
箸必為玉栝為栝則必思遠方珍怪之物而御之矣與

馬宮室之漸自此始不可振也

纏子紂熊蹯不熟而殺
庖人 世本紂為玉牀

韓非子昔者紂為象箸而箕子怖以為象箸必不加於

土鍬必將犀玉之杯象箸玉杯必不羹菽藿則必旄象
豹胎旄象豹胎必不衣短褐而食於茅屋之下則錦衣
九重廣室高臺吾畏其卒故怖其始居五年紂為肉圃
設炮烙登糟丘臨酒池紂遂以亡故箕子見象箸以知
天下之禍故曰見小曰明

潛夫論昔紂好色九侯聞之乃獻厥女紂乃大喜以為
天下之麗莫若此也以問妲己妲己懼進御而奪己愛
也乃偽俯而泣曰君之年即者邪明既衰邪何貌惡之

若此而復謂之好也紂於是渝而以為惡姐已恐天下之愈進美女者因白九侯之不道也乃欲以此惑君王也王而弗誅何以革後紂則大怒遂脯厥女而烹九侯自此之後天下之有美女者乃皆重室晝閑唯恐紂之聞也

史記以西伯昌九侯鄂侯為三公九侯有好女入之紂九侯女不憚淫紂怒殺之而醢九侯鄂侯爭之彊辨之疾并脯鄂侯西伯昌聞之竊歎崇侯虎知之以告紂紂

囚西伯美里 崇侯虎譖西伯於殷紂曰西伯積善累

德諸侯皆嚮之將不利於帝帝紂乃囚西伯於美里淮南

子文王砥德修政三年而天下二分歸之紂聞而患之曰余夙興夜寐與之兢行則苦心勞形縱而置之恐伐余一人崇侯虎曰周伯昌行仁義而善謀太子發勇敢而不疑中子旦恭儉而知時若與之從則不堪其殃縱而赦之身必危亡冠雖弊必加於頭及未成請圖之屈商乃拘文王於美里 帝王世紀紂既囚文王文王長子曰伯邑考質於殷為紂御紂烹以為羹賜文王曰聖人當不食其子羹文王得而食之紂曰誰謂西伯聖者食其子羹尚不知也 其囚美里蓋益易之八卦為六十四卦按

易正義伏羲制卦文王卦辭周公爻辭孔子十翼非文王始益為六十四也史說誤 琴操文王在美里時演

易八卦以六十四乃申憤以作歌曰殷道溷溷浸濁煩
兮朱紕相合不分別兮迷亂聲色信讒言兮炎炎之虐
使我愆兮幽閑牢寤由其言兮邁我四人憂勤勤兮

易乾元亨利貞 坤元亨利牝馬之貞君子有攸往先

迷後得主利西南得朋東北喪朋安貞吉 屯元亨利

貞勿用有攸往利建侯 蒙亨匪我求童蒙童蒙求我

初筮告再三瀆瀆則不告利貞 需有孚光亨貞吉利

涉大川 訟有孚窒惕中吉終凶利見大人不利涉大

川 師貞丈人吉无咎 比吉原筮元永貞无咎不寧

方來後夫凶 小畜亨密雲不雨自我西郊 履虎尾

不咥人亨 泰小往大來吉亨 否之匪人不利君子

貞大往小來 同人于野亨利涉大川利君子貞 大

有元亨 謙亨君子有終 豫利建侯行師 隨元亨

利貞无咎 蠱元亨利涉大川先甲三日後甲三日

臨元亨利貞至于八月有凶 觀盥而不薦有孚颙若

噬嗑亨利用獄 賁亨小利有攸往 剝不利有攸

往 復亨出入无疾朋來无咎反復其道七日來復利

有攸往 无妄元亨利貞其匪正有眚不利有攸往

大畜利貞不家食吉利涉大川 頤貞吉觀頤自求口

實 大過棟桡利有攸往亨 習坎有孚維心亨行有

尚 離利貞亨畜牝牛吉 ○右 上篇 咸亨利貞取女吉

恒亨利貞利有攸往 遯亨小利貞 大壯利貞

晉康侯用錫馬蕃庶晝日三接 明夷利艱貞 家

人利女貞 睽小事吉 蹇利西南不利東北利見大

人貞吉 解利西南无所往其來復吉有攸往夙吉

損有孚元吉无咎可貞利有攸往曷之用二簋可用享

益利有攸往利涉大川 决揚于王庭孚號有厲告

自邑不利即戎利有攸往 姤女壯勿用取女 萃亨

王假有廟利見大人亨利貞用大牲吉利有攸往 升

元亨用見大人勿恤南征吉 困亨貞大人吉无咎有

言不信 井改邑不改井无喪无得往來井井汔至亦

未繙井羸其瓶凶 革已日乃孚元亨利貞悔亡 鼎

元吉亨 震亨震來虩虩笑言啞啞震驚百里不喪匕

嗟 艮其背不獲其身行其庭不見其人无咎 漸女

歸吉利貞 歸妹征凶无攸利 豐亨王假之勿憂宜

日中 旅小亨旅貞吉 巽小亨利有攸往利見大人

兌亨利貞 渙亨王假有廟利涉大川利貞 節亨

苦節不可貞 中孚豚魚吉利涉大川利貞 小過亨

利貞可小事不可大事飛鳥遺之音不宜上宜下大吉

既濟亨小利貞初吉終亂 未濟亨小狐汔濟濡其

尾无攸利

○右
下篇

史記閼天之徒患之乃求有莘氏美女驪戎之文馬有
熊九駟他奇怪物因殷嬖臣費仲而獻之紂紂大說曰
此一物足以釋西伯況其多乎乃赦西伯賜之弓矢斧

鉞使西伯得征伐曰譖西伯者崇侯虎也

古今樂錄文王囚於羑里

太顛閼天散宜生南宮括之屬往見文王文王為瞽右目者言紂之好色耕耔其腹者言欲得其寶也蹀躞其足者使逆疾也於是周流求之以獻紂六韜商王拘周伯昌於羑里太公與散宜生以金千鎰求天下珍物以免君之罪於是得大戎氏文馬駿身朱鬣目如黃金項下雞毛名曰雞斯之乘以獻商王○今本無淮南子散宜生乃以千金求天下之珍怪得騶虞雞斯之乘玄玉百工大貝百朋玄豹黃黑青犴白虎文皮千合以

獻於紂因費仲而通紂見而說之乃免其身殺牛而賜之丈王歸乃為玉門築靈臺相女童擊鐘鼓以待紂之失也紂聞之曰西伯昌改道易行吾無憂矣乃為炮烙剖比干剔孕婦殺諫者文王乃遂其謀○小說家之妄談琴操丈王備修道德百姓親附是時崇侯虎與文王列為諸侯德不及文王常嫉妒之乃譖文王於紂曰西伯昌聖人也長子發中子旦皆聖人也三聖合謀君其慮之乃囚丈王於羑里將欲殺之於是丈王四臣散宜生等周流海內經歷豐土得美女二人水中大貝白馬朱鬣以獻於紂陳於中庭紂立出西伯尚書大傳散宜生之犬戎氏取良馬驄身朱鬣難目者陳於紂之庭紂出見之還而觀之曰此何人也散宜生遂趨而進曰吾西蕃之臣昌之使者○注云散宜生丈王四臣之一也呂尚有勇謀而為將散宜生有文德而為相

呂氏春秋昔者紂為無道殺梅伯而醢之殺鬼侯而脯

之以禮諸侯於廟文王流涕而咨之紂恐其叛欲殺文王而滅周文王曰父雖無道子敢不事父乎君雖不惠臣敢不事君乎孰王而可畔也紂乃赦之天下聞之以文王為畏上而哀下也詩曰惟此文王小心翼翼昭事

上帝聿懷多福

○此雜說之近是者

新書紂作桎數千昵諸侯之不諂己者杖而桎之文王桎桎於羑里七年而後得免及武王克殷既定令殷之民投撒桎桎而流之於河民輸桎者以手撒之弗敢墜

也跪入之水弗敢投也曰昔者文王常擁此故愛思文王猶敬其桎況其法教乎

史記西伯出而獻洛西之地以請除炮烙之刑紂乃許之賜弓矢斧鉞使得征伐為西伯而用費中為政費中善諛好利殷人弗親紂又用惡來惡來善毀讒諸侯以此益疏西伯歸乃陰修德行善諸侯多叛紂而往歸西伯西伯滋大紂由是稍失權重

呂氏春秋文王處岐事紂冤侮雅遜朝夕必時上貢必

適祭祀必敬紂喜命文王稱西伯賜之千里之地文王再拜稽首而辭曰願為民請炮烙之刑文王非惡千里之地以為民請炮烙之刑必欲得民心也得民心則賢於千里之地故曰文王智矣

韓非子昔者文王侵孟克莒舉鄆三舉事而紂惡之

文王乃懼請入洛西之地赤壤之國方千里以請解炮烙之刑天下皆說仲尼聞之曰仁哉文王輕千里之國而請解炮烙之刑智哉文王出千里之地而得天下之心○誣文又復誣孔其曰千里亦謬越絕書文王以務爭者紂為天下殘賊奢佚不顧邦政文王百里見紂無道誅殺無刑賞賜不當文王以聖事紂天下皆盡誠知其賢聖從之此謂文王以務爭也紂以惡刑爭文王行至聖以仁義爭此之謂也○史云陰修德行善諸家

稱智稱爭皆非文王之心也韓非子貴仲說紂曰西伯昌賢百姓說之諸侯附焉不可不誅不誅必為殷患紂曰子言義主何可誅費仲曰冠雖穿弊必戴於頭履雖五采必踐之於地西伯昌人臣也脩義而人向之卒為天下患其必昌乎人人欲以其賢為其主非可不誅也且主而誅臣焉有過紂曰夫仁義者上所以勸下也今昌好仁義誅之不可三說不用故亡周有玉版紂今膠鬲索之文王不予費仲來求因予之是膠鬲賢而費仲無道也周惡賢者之得志也故予費仲文王舉太公於渭濱者貴之也而資費仲玉版者愛之也故曰不貴其師不愛其資雖知大迷是謂要妙文王資費仲而進於紂之旁令之間紂而亂其心○牴牾

詩采薇采薇薇亦作止曰歸曰歸歲亦莫止靡室靡家玁狁之故不遑啓居玁狁之故采薇薇采薇薇亦柔止曰

歸曰歸心亦憂止憂心烈烈載飢載渴我戍未定靡使
歸聘采薇采薇薇亦剛止曰歸曰歸歲亦陽止王事靡
盥不遑啓處憂心孔疚我行不來彼爾維何維常之華
彼路斯何君子之車戎車既駕四牡業業豈敢定居一
月三捷駕彼四牡四牡騤騤君子所依小人所腓四牡
翼翼象弭魚服豈不日戒玃狁孔棘昔我往矣楊柳依
依今我來思雨雪霏霏行道遲遲載渴載飢我心傷悲
莫知我哀我出我車于彼牧矣自天子所謂我來矣

召彼僕夫謂之載矣王事多難維其棘矣我出我車于
彼郊矣設此旄矣建彼旄矣彼旄旄斯胡不旆旆憂心
悄悄僕夫況瘁王命南仲往城于方出車彭彭旂旂央
央天子命我城彼朔方赫赫南仲玁狁于襄昔我往矣
黍稷方華今我來思雨雪載塗王事多難不遑啓居豈
不懷歸畏此簡書嘒嘒草蟲趯趯阜螽未見君子憂心
忉忉既見君子我心則降赫赫南仲薄伐西戎春日遲
遲卉木萋萋倉庚喈喈采芣祁祁執訊獲醜薄言還歸

赫赫南仲獫狁于夷 有扶之杜有睨其實王事靡盬

繼嗣我日日月陽止女心傷止征夫遑止有扶之杜其

葉萋萋王事靡盬我心傷悲卉木萋止女心悲止征夫

歸止陟彼北山言采其杞王事靡盬憂我父母檀車憚

憚四牡瘡瘡征夫不遠匪載匪來憂心孔疚期逝不至

而多為恤卜筮偕止會言近止征夫邇止

詩序采薇遣戍役也文王

之時西有昆夷之患北有獫狁之難以天子之命命將率遣戍役以守衛中國故歌采薇以遣之出車以勞還

扶杜以勤歸也

出車勞還率也

扶杜勞還役也○

大紀曰是時西有昆夷之患北有獫狁之難紂乃召昌

釋之因獻洛西之地請除炮烙之刑紂大喜許之賜之弓矢鉞鉞使專征伐為西方諸侯伯朱子曰此未必丈王之詩

周書文王立西距昆夷北備獫狁謀武以昭威懷作武稱大國不失其威小國不失其卑敵國不失其權岨嶮伐夷并小奪亂□強攻弱而襲不正武之經也伐亂伐疾伐疫武之順也賢者輔之亂者取之作者勸之怠者沮之恐者懼之欲者趨之武之用也美男破老美女破舌淫圖破□淫巧破時淫樂破正淫言破義武之毀也

赦其衆遂其咎撫其□助其囊武之間也餌敵以分而
照其儲以伐輔德追時之權武之尚也春違其農秋伐
其穡夏取其麥冬寒其衣服春秋欲舒冬夏欲亟武之
時也長勝短輕勝重直勝曲衆勝寡強勝弱飽勝饑肅
勝怒先勝後疾勝遲武之勝也追戎無恪窮寇不格力
倦氣竭乃易克武之追也既勝人舉旗以號令命吏禁
掠無取侵暴爵位不謙田宅不虧各寧其親民服如化
武之撫也百姓咸服偃兵興德夷厥險阻以毀其服四

方咸服奄有天下武之定也

○奇謀制勝恢成王業盛矣然而非丈王事也

史記太公望呂尚者東海上人其先祖嘗為四嶽佐禹平水土甚有功虞夏之際封於呂或封於申姓姜氏夏商之時申呂或封枝庶子孫或為庶人尚其後苗裔也本姓姜氏從其封姓故曰呂尚呂尚蓋嘗窮困年老矣以漁釣奸周西伯西伯將出獵卜之曰所獲非龍非鸞非虎非羆所獲霸王之輔於是周西伯獵果遇太公於渭之陽與語大說曰自吾先君太公曰當有聖人適周

周以興子真是邪吾太公望子久矣故號之曰太公望

載與俱歸立為師

水經注蟠谿中有菰泉泉水潭積自成淵渚東南隅有石室蓋太公所居

也水流次平石釣處太公垂釣之所也其投竿踞餌兩膝道跡猶存是有磻谿之稱也說苑呂望年七十釣

於渭渚三日三夜魚無食者望即念脫其衣冠上有農人者古之異人謂望曰子姑復釣必細其綸芳其餌徐徐而投無令魚駭望如其言初下得鮒次得鯉刺魚腹得書書文曰呂望封於齊望知其異○史注引符子

太公消釣隱溪五十六年矣不得一魚季連往見之太公消踞石隱崖不餌而釣仰咏俯吟暮則釋竿其膝所處石皆如凹其附觸石若路季連曰釣本在魚無魚何釣公曰不見康王父之釣乎涉蓬萊釣巨海摧岸投綸五百年矣未嘗得一魚方吾猶一朝耳果得大鯉有兵鈴在腹中列仙傳呂尚冀州人生而內智豫知存亡

避紂亂遼東三十年西適隱於南山釣於卞谿三年不獲魚或曰可以止矣尚曰非爾所及也果得大鯉有兵鈴在腹中服澤芝地衣石髓二百年而告亡葬之無屍唯有玉鈴六篇在棺中宋書符瑞志文王至於磻谿之水呂尚釣於崖王下趨拜曰望公七年乃今見光景於斯尚立變名答曰望釣得玉璜其文要曰姬受命昌來提撰爾維鈴報在齊尚出遊見赤人自雒出授尚書曰命曰呂佐昌者子楚辭注或言周文王夢立令狐之津太公在後帝曰昌賜汝名師文王再拜太公夢亦如此文王出田見識所夢載與俱歸以為太師鼎錄太公於渭水得玉璜鑄一鼎刻其文曰璜鼎

六韜文王將田史編布卜曰田於渭陽將大得焉非龍非鵬非虎非羆兆得公侯天遺汝師以之佐昌施及三

王文王曰兆致是乎史編對曰編之太祖史疇為禹占
得臯陶兆比於此文王乃齋三日乘田車駕田馬田於
渭陽卒見太公坐茅以漁文王勞而問之曰子樂漁邪
太公曰君子樂得其志小人樂得其事今吾漁甚有似
也文王曰何謂其似也太公曰釣有三權祿等以權死
等以權官等以權夫釣以求得也其情深可以觀大矣
文王曰願聞其情太公曰源深而水流水流而魚生之
情也根深而木長木長而實生之情也君子情同而親

合親合而事生之情也言語應對者情之飾也言至情者事之極也今臣言至情不諱君其惡之乎文王曰唯仁人能受正諫不惡至情何為其然太公曰緡微餌明小魚食之緡網餌香中魚食之緡隆餌豐大魚食之夫魚食其餌乃牽於緡人食其祿乃服於君故以餌取魚魚可殺以祿取人人可竭以家取國國可拔以國取天下天下可畢嗚呼曼曼綿綿其聚必散嘿嘿昧昧其光必遠微哉聖人之德誘乎獨見樂哉聖人之慮各歸其

次而立斂焉文王曰立斂何若而天下歸之太公曰天下非一人之天下乃天下之天下也同天下之利者則得天下擅天下之利者則失天下天有時地有財能與人共之者仁也仁之所在天下歸之免人之死解人之難救人之患濟人之急者德也德之所在天下歸之與人同憂同樂同好同惡者義也義之所在天下歸之凡人惡死而好生好德而歸利能生利者道也道之所在天下歸之文王再拜曰允哉敢不受天之詔命乎乃載

與俱歸立為師

○辭理俱淺

史記或曰太公博聞嘗事紂紂無道去之游說諸侯無所遇而卒西歸周西伯或曰呂尚處士隱海濱周西伯拘羑里散宜生閔天素知而招呂尚呂尚亦曰吾聞西伯賢又善養老盍往焉三人者為西伯求美女奇物獻之於紂以贖西伯西伯得以出反國言呂尚所以事周

雖異然要之為文武師

易林太公避紂七十隱處卒逢文王為王室輔古史考呂望

常屠牛於朝歌賣飯於孟津說苑太公田不足以償種漁不足以償網治天下有餘治鹽鐵論太公屠牛

於朝歌利不及妻子 楚辭注呂望鼓刀在列肆文王
親往問之呂望對曰下屠屠牛上屠屠國文王喜載與
俱歸也 尚書大傳散宜生閔天南宮适三子俱學乎
太公太公見三子之為賢人遂酌酒切脯約為朋友望
曰嗟乎西伯賢君也四子遂見西伯於羗里○太
公出處自史遷已不能定矣宜諸說之紛紛也 周西

伯昌之脫羗里歸與呂尚陰謀修德以傾商政其事多

兵權與竒計故後世之言兵及周之陰權皆宗太公為
本謀周西伯政平及斷虞芮之訟而詩人稱西伯受命

曰文王伐崇密須犬夷大作豐邑天下三分其二歸周

者太公之謀計居多

○後世之為權謀者託之太公耳
非太公本色也 漢書道家太公

二百三十七篇謀八十一篇
言七十一篇兵八十五篇

潛夫論文王游畋遇姜尚於渭濱察言觀志而見其心
不諂左右不諛羣臣遂載反歸委之以政用能造周故

堯參鄉黨以得舜文王參己以得呂尚

抱朴子文王之
接呂尚桑陰未

移而知其可師矣
文王之知呂望不以永日

新論

韓詩外傳文王非無便辟親比己者超然乃舉太公於
舟人而用之豈私之哉以為親邪既異族之人也以為
故邪即未嘗相識也以為姦好邪即太公年七十二

然而齒墮矣然而用之者文王欲立貴道欲白貴名兼

制天下以惠中國而不可以獨故舉是人而用之

搜神記文

王以太公為灌壇令期年風不鳴條文王夢一婦人甚麗當道而哭問其故曰吾泰山之女嫁為東海婦欲歸今為灌壇令當道有德廢我行我行必有大風疾雨是毀其德也文王覺召太公問之是日果有疾雨暴風從太公邑外而過文王乃令太公為大司馬博物志云西海神女嫁於東海神童按凡言神怪者多附會太公其來久矣

六韜文王問太公曰守土柰何太公曰無疏其親無怠其衆撫其左右御其四旁無借人國柄借人國柄則失

其權無掘壑而附正無舍本而治末日中必彗操刀必割執斧必伐日中不彗是謂失時操刀不割失利之期執斧不伐賊人將來涓涓不塞將為江河熒熒不救炎炎奈何兩葉不去將用斧柯是故人君必從事於富不富無以為仁不施無以合親疏其親則害失其衆則敗無借人利器借人利器則為人所害而不終其世文王曰何謂仁義太公曰敬其衆合其親敬其衆則和合其親則喜是謂仁義之紀無使人奪汝威因其明順其常

順者任之以德逆者絕之以力敬之勿疑天下和服

文王問太公曰王人者何上何下何取何去何禁何止
太公曰上賢下不肖取誠信去詐偽禁暴亂止奢侈故
王人者有六賊七害文王曰願聞其道太公曰夫六賊
者一曰臣有大作宮室池榭游觀倡樂者傷王之德二
曰民有不事農桑任氣游俠犯歷法禁不從吏教者傷
王之化三曰臣有結朋黨蔽賢智障主明者傷王之權
四曰士有抗志高節以為氣勢外交諸侯不重其主者

傷王之威五曰臣有輕爵位賤有司羞為上犯難者傷功臣之勞六曰強宗侵奪陵侮貧弱傷庶人之業七害者一曰無智畧權謀而重賞尊爵之故強勇輕戰僥倖於外王者謹勿使為將二曰有名無實出入異言掩善揚惡進退為巧王者謹勿與謀三曰朴其身躬惡其衣服語無為而求名言無欲而求利此偽人也王者謹勿近四曰竒其冠帶偉其衣服博聞辯辭虛論高議以為容美窮居靜處而誹時俗此姦人也王者謹勿寵五曰

讒佞苟得以求官爵果敢輕死以貪祿秩不圖大事貪利而動以高談虛論說於人主王者謹勿使六曰為雕文刻鏤技巧華飾而傷農事王者必禁七曰偽方異技巫蠱左道不祥之言幻惑良民王者必止之故民不盡力非吾民也士不誠信非吾士也臣不忠諫非吾臣也吏不平潔愛人非吾吏也相不能富國強兵調和陰陽以安萬乘之主正羣臣定名實明賞罰樂萬民非吾相也夫王者之道如龍首高居而遠望深視而審聽示以

形隱其情若天之高不可極也若淵之深不可測也故可怒而不怒姦臣乃作可殺而不殺大賊乃發兵勢不

行敵國乃強文王曰善哉

○非常時語

詩虞芮質厥成文王蹶厥生予曰有疏附予曰有先後

予曰有奔走予曰有禦侮

○絳九章

史記西伯陰行善諸侯皆來決平於是虞芮之人有獄不能決乃如周入界耕者皆讓畔民俗皆讓長虞芮之人未見西伯皆慙相謂曰吾所爭周人所恥何往為祗

取辱耳遂還俱讓而去諸侯聞之曰西伯蓋受命之君

家語虞芮二國爭田而訟連年不決乃相謂曰西伯仁人也盍往質之入其境則耕者讓畔行者讓路入其朝士讓為大夫大夫讓於卿虞芮之君曰嘻吾儕小人也不可以入君子之朝遂自相與而退咸以所爭之田為閒田也孔子曰以此觀之文王之道其不可加焉不令而從不教而聽至矣哉 詩人道西伯

蓋受命之年稱王而斷虞芮之訟後十年而崩諡為文

王改法度制正朔矣追尊古公為太王公季為王季蓋

王瑞自太王興

○史於西伯崩後重叙此文其稱蓋者疑辭耳文王實無稱王改元事也正義

曰若文王稱王改正朔則是功業成矣武王何復云大勲未集也禮記云牧之野武王成大事退而追王太王

王季文王據此文乃是追王為王也 易緯文王受命
改正朔有王號於天下 帝王世紀文王即位四十二
年歲在鶉火文王更為受命
之元年始稱王○皆妄語

呂氏春秋文王之時天先見火赤鳥銜丹書集於周社

文王曰火氣勝火氣勝故其色尚赤其事則火

商書帝
命驗季

秋之月甲子赤鵲銜丹書止於昌戶民踰山穿穴老幼
相扶歸者八十萬戶 尚書中候季秋赤雀銜丹書入
豐止於昌戶昌拜稽首受最曰姬昌蒼赤子 墨子赤
鳥銜珪降周之岐社曰天命周文王伐殷有國泰嶺來
賓河出綠圖地出橐黃 琴操受命者謂文王受天命
而王文王以紂時為岐侯躬修道德執行仁義百姓親
附是時紂為無道刳胎斲脣涉廢壞仁人天統易運諸侯
瓦解皆歸文王其後有鳳皇銜書於文王之郊乃作鳳

皇之歌其章曰翼翼翔翔彼鸞皇兮銜書來游以命昌
兮瞻天按圖殷將亡兮蒼蒼昊天始有萌兮神連精合
謀於房兮○一本末有二句云興我之業望來羊兮
易通卦驗文王得赤烏而演易春秋元命苞殷紂之
時五星聚於房房者蒼神之精周據而興宋符瑞志
文王夢日月著其身又鸞鸞鳴於岐山孟春六旬五緯
聚房後有鳳皇銜書游文王之都書文曰殷帝無道震
亂天下皇命已移不得復久靈祇遠離百神吹去五星
聚房昭理四海九尾狐文王得之東夷歸焉○諸子雜
讖所載復讖牴牾

史記明年伐犬戎明年伐密須明年敗者國殷之祖伊

聞之懼以告帝紂紂曰不有天命乎是何能為明年伐

邠明年伐崇侯虎而作豐邑自岐下而徙都豐

尚書大傳文王

受命一年斷虞芮之訟二年伐邾三年伐密須四年伐
犬夷五年伐耆六年伐崇七年而崩○大傳與史記年
不同當從史記但史以祖伊告紂之
言載伐者之下者非也詳見下卷

詩帝謂文王無然畔援無然歆羨誕先登于岸密人不
恭敢距大邦侵阮徂共王赫斯怒爰整其旅以按徂旅
以篤周祜以對于天下依其在京侵自阮疆陟我高岡
無矢我陵我陵我阿無飲我泉我泉我池度其鮮原居
岐之陽在渭之將萬邦之方下民之王
○皇矣五章六章言文王伐密
帝謂文王予懷明德不大聲以色不長夏以革不識

不知順帝之則帝謂文王詢爾仇方同爾兄弟以爾鈞
援與爾臨衝以伐崇墉臨衝閑閑崇墉言言執訊連連
攸馘安安是類是禡是致是附四方以無侮臨衝茀茀

崇墉仡仡是伐是肆是絕是忽四方以無拂

○七章八章言文王

伐崇 詩序皇矣美周也天監代殷莫若周周世世脩德莫若文王

說苑文王曰吾欲用兵誰可伐密須氏疑於我可先往
伐管叔曰不可其君天下之明君也伐之不義太公望
曰臣聞之先王伐枉不伐順伐嶮不伐易伐過不伐不

及文王曰善遂伐密須氏滅之也 文王欲伐崇先宣

言曰余聞崇侯虎蔑侮父兄不敬長老聽獄不中分財不均百姓力盡不得衣食余將來征之唯為民乃伐崇

令毋殺人毋壞室毋填井毋伐樹木毋動六畜有不如

令者死無赦崇人聞之因請降

歸非子文王伐崇至鳳黃虛戰繫解因自結太

公望曰何為也王曰君與處皆其師中皆其友下盡其使也今皆先君之臣故無可使也○武王晉文公事相類

周書維周王宅程三年遭天之大荒作大匡以詔牧其

方三州之侯咸率王乃召冢卿三老三吏大夫百執事
之人朝於大庭問罷病之故政事之失刑罰之戾哀樂
之尤賓客之盛用度之費及關市之征山林之匱田宅
之荒溝渠之害怠惰之過驕頑之虐水旱之菑曰不穀
不德政事不時國家罷病不能胥匡二三子尚助不穀
官考厥職鄉問其人因其耆老及其總害慎問其故無
隱乃情及某日以告于廟有不用命有常不赦王既發
命入食不舉百官質方□不食饗及期日質明王麻衣

以朝朝中無采衣官考其職鄉問其利因謀其菑旁匡
于衆無敢有違詰退驕頑方收不服慎惟怠愼什伍相
保動勸游居事節時茂農夫任戶戶盡夫出農廩分鄉
鄉命受糧程課物徵躬競比藏藏不粥糴糴不加均賦
洒其幣鄉正保貸成年不償信誠匡助以輔殖財財殖
足食克賦為征數口以食食均有賦外食不贍開闢通
糧糧窮不轉孤寡不廢滯不轉留戍城不留□足以守
出旅分均馳車送逝旦夕運糧于是告四方遊旅旁生

忻通津濟道宿所至如歸幣租輕乃作母以行其子易
資貴賤以均遊旅使無滯無粥熟無室市權内外以立
均無蚤暮間次均行均行衆從積而勿□以罰助均無
使之窮平均無乏利民不淫無播蔬無食種以數度多
少省用祈而不賓祭服漱不制車不雕飾人不食肉畜
不食穀國不鄉射樂不墻合墻屋有補無作資農不敗
務非公卿不賓賓不過具哭不留日登降一等庶人不
獨葬伍有植送往迎來亦如之有不用命有常不違

年紀

周大饑西伯自程遷於豐○前編云按逸周書稱周王宅程三年遭天之荒此文王所以都豐與

詩文王有聲適駿有聲適求厥寧適觀厥成文王烝哉

文王受命有此武功既伐于崇作邑于豐文王烝哉築

城伊滅作豐伊匹匪棘其欲適追來孝王后烝哉王公

伊濯維豐之垣四方攸同王后維翰王后烝哉

○文王有聲前

章四經始靈臺經之營之庶民攻之不日成之經始勿

亟庶民子來王在靈囿鹿鹿攸伏鹿濯濯白鳥翯翯

王在靈沼於物魚躍虞業維縱賁鼓維鏞於論鼓鐘於

樂辟靡於論鼓鐘於樂辟靡鼉鼓逢逢矇瞍奏公

詩序靈臺

民始附也文王受命而民樂其有靈德以及鳥獸昆虫焉○朱子曰民之歸周久矣非至此始附也

新書詩

曰王在靈囿麋鹿攸伏麋濯濯白鳥鴈鴈王在靈沼於物魚躍言德至也聖主所在魚鼈禽獸猶得其所況於人民乎故仁人行其禮則天下安而萬理得矣逮至德渥澤洽調和大暢則天清澈地富燠物時熟民心不挾詐賊氣脈淳化攬鬻搏擊之獸鮮毒蠱猛虻之虫密毒山不蕃草木少薄矣鑠乎大仁之化也

易乾鑿度

昌二十九年伐崇侯作靈臺○禮疏引周本紀云文王立靈臺於時年九十六

新序周文王作靈臺及為池沼掘地得死人之骨吏以聞於文王文王曰更葬之吏曰此無主矣文王曰有天

下者天下之主也有一國者一國之主也寡人固其主
又安求主遂令吏以衣冠更葬之天下聞之皆曰文王
賢矣澤及枯骨又沉於人乎或得寶以危國文王得枯

骨以喻其意而天下歸心焉

○呂覽同
新書文王畫
卧夢人登城而呼已曰我

東北陬之橐骨也速以王禮葬我文王曰諾覺召吏視
之信有焉文王曰速以人君葬之吏曰此無主矣請以
五大夫禮文王曰吾夢中已許之矣柰何其倍之也士
民聞之曰我君不以夢之故而倍橐骨沉於生人乎於
是下信其上○此說荒誕
淮南
子文王葬死人之骸而九夷歸之

詩芄芃棫樸薪之顙之濟濟辟王左右趣之濟濟辟王

左右奉璋奉璋戔戔髦士攸宜淠彼涇舟烝徒楫之周
王于邁六師及之倬彼雲漢為章于天周王壽考遐不
作人追琢其章金玉其相勉勉我王綱紀四方

詩序棧
樸文王

能官人也 詩說棧樸周公
詠歌文王之德以訓嗣王

瞻彼旱麓榛楛濟濟豈

弟君子干祿豈弟瑟彼玉瓚黃流在中豈弟君子福祿
攸降鸛飛戾天魚躍于淵豈弟君子遐不作人清酒既
載騂牡既備以享以祀以介景福瑟彼柞棫民所燎矣
豈弟君子神所勞矣莫莫葛藟施于條枚豈弟君子求

福不回

詩序旱麓受祖也周之先祖世修后稷公劉之業太王王季申以百福千祿焉○朱子曰序大

誤

詩說旱麓

詠歎文王之德

呦呦鹿鳴食野之苹我有嘉賓鼓瑟

吹笙吹笙鼓簧承筐是將人之好我示我周行呦呦鹿

鳴食野之蒿我有嘉賓德音孔昭視民不忮君子是則

是傲我有旨酒嘉賓式燕以敖呦呦鹿鳴食野之芩我

有嘉賓鼓瑟鼓琴鼓瑟鼓琴和樂且湛我有旨酒以燕

樂嘉賓之心四牡騤騤周道倭遲豈不懷歸王事靡

盬我心傷悲四牡騤騤嘽嘽駱馬豈不懷歸王事靡盬

不遑啓處翩翩者騅載飛載下集于苞栩王事靡盬不遑將父翩翩者騅載飛載止集于苞杞王事靡盬不遑將母駕彼四駱載驟駸駸豈不懷歸是用作歌將母來

諗 皇皇者華于彼原隰駸駸征夫每懷靡及我馬維駒六轡如濡載馳載驅周爰咨諏我馬維駒六轡如絲載馳載驅周爰咨謀我馬維駒六轡沃若載馳載驅周

爰咨度我馬維駒六轡既均載馳載驅周爰咨詢

詩序鹿鳴

燕羣臣嘉賓也既飲食之又實幣帛筐篚以將其厚意然後忠臣嘉賓得盡其心矣 四牡勞使臣之來也有

功而見知則說矣 皇皇者華君遣使臣也送之以禮
樂言遠而有光華也○鄭譜俱文王之詩朱子云燕禮
工歌鹿鳴三詩鄉飲酒用樂亦然學記宵雅肄三亦謂
此三詩然則又為上下通用之樂矣 琴操鹿鳴者周
大臣之所作也王道衰大臣知賢者幽隱故彈絃諷諫
史記仁義陵遲鹿鳴刺焉○按此以鹿鳴為刺衰世
其說
大異

伐木丁丁鳥鳴嚶嚶出自幽谷遷于喬木嚶其
鳴矣求其友聲相彼鳥矣猶求友聲矧伊人矣不求友
生神之聽之終和且平伐木許許醺酒有藇既有肥羜
以速諸父寧適不來微我弗顧於粢酒埽陳饋八簋既
有肥牡以速諸舅寧適不來微我有咎伐木于阪醺酒

有衍籩豆有踐兄弟無遠民之失德乾餱以愆有酒湑
我無酒酤我坎坎鼓我蹲蹲舞我迨我暇矣飲此湑矣

詩序伐木燕朋友故舊也自天子至於庶人未有不須
友以成者親親以睦友賢不棄不遺故舊則民德歸厚

矣

天保定爾亦孔之固俾爾單厚何福不除俾爾多

益以莫不庶天保定爾俾爾戩穀罄無不宜受天百祿
降爾遐福惟日不足天保定爾以莫不興如山如阜如
岡如陵如川之方至以莫不增吉蠲為饗是用孝享禴
祠烝嘗于公先王君曰卜爾萬壽無疆神之弔矣詒爾

多福民之質矣日用飲食羣黎百姓徧為爾德如月之恒如日之升如南山之壽不騫不崩如松柏之茂無不

爾或承

詩序天保下報上也君能下下以成其政臣能歸美以報其上焉○魚麗之序云文武以天保

以上治內米薇以下治外說者因此以鹿鳴等九篇屬之文王而魚麗屬之武王其實未必然也常棣之序既言閔管蔡失道矣何得又屬之文王說見本篇

周書文王告武王以序德之行作文傳文王受命之九年時維暮春在鄘太子發曰吾語汝所保所守守之哉厚德廣惠忠信愛人君子之行不為驕侈不為靡泰不

淫於美枯柱茅茨為愛費山林非時不升斤斧以成草木之長川澤非時不入網罟以成魚鼈之長不麝不卵以成鳥獸之長畋漁以時童不夭胎馬不馳騫土不失宜土可犯材可蓄潤溼不穀樹之竹葦莞蒲礫石不可穀樹之葛藟以為絲絡以為材用故凡土地之間者聖人裁之竝為民利是魚鼈歸其泉鳥歸其林孤寡辛苦咸賴以生山以遂其材工匠以為其器百物以平其利商賈以通其貨工不失其務農不失其時是謂和德土

多民少非其土也土少人多非其人也是故土多發政以漕四方四方流之土少安帑而外其務方輸夏歲曰中不容利民乃外次開望曰土廣無守而襲伐土狹無食可園竭二禍之來不稱之災天有四殃水旱饑荒其至無時非務積聚何以備之夏歲曰小人無兼年之食遇天饑妻子非其有也大夫無兼年之食遇天饑臣妾與馬非其有也戒之哉弗思弗行至無日矣不明開塞禁舍者其如天下何人各修其學而尊其名聖人制之

故諸橫生盡以養從從生盡以養一丈夫無殺夭胎無
伐不成材無墮四時如此者十年有十年之積者王有
五年之積者霸無一年之積者亡生十殺一者物十重
生一殺十者物頻空十重者王頻空者亡兵強勝人人
強勝天能制其有者則能制人之有不能制其有者則
人制之令行禁止王始也出一曰神明出二曰分光出
三曰無適異出四曰無適與無適與者亡

○典瞻奇古
至兵強王霸

等語則列國
人之露肘也

六韜文王在鄴召太公曰嗚呼商王虐極罪殺不辜公
尚助予憂民如何太公曰王其修德以下賢惠民以觀
天道天道無殃不可先倡人道無災不可先謀必見天
殃又見人災乃可以謀必見其陽又見其陰乃知其心
必見其外又見其內乃知其意必見其疏又見其親乃
知其情行其道道可致也從其門門可人也立其禮禮
可成也爭其強強可勝也全勝不鬪大兵無創與鬼神
通微哉微哉與人同病相救同情相成同惡相助同好

相趨故無甲兵而勝無衝機而攻無溝塹而守大智不
智大謀不謀大勇不勇大利不利利天下者天下啓之
害天下者天下閉之天下者非一人之天下乃天下之
天下也取天下者若逐野獸而天下皆有分肉之心若
同舟而濟濟則皆同其利敗則皆同其害然則皆有以
啓之無有以閉之也無取於民者取民者也無取民者
民利之無取國者國利之無取天下者天下利之故道
在不可見事在不可聞勝在不可知微哉微哉鷙鳥將

擊卑飛斂翼猛獸將搏弭耳俯伏聖人將動必有愚色
今彼有商衆口相惑紛紛渺渺好色無極此亡國之證
也吾觀其野草菅勝穀吾觀其衆邪曲勝直吾觀其吏
暴虐殘賊敗法亂刑上下不覺此亡國之時也大明發
而萬物皆照大義發而萬物皆利大兵發而萬物皆服
大哉聖人之德獨聞獨見樂哉

○六韜偽書
故不多錄

說苑文王問於呂望曰為天下若何對曰王國富民霸
國富士僅存之國富大夫亡道之國富倉府是謂上溢

而下漏文王曰善對曰宿善不祥是日也發其倉府以振鰥寡孤獨

莊子文王觀於臧見一丈人釣而其釣莫釣非持其釣有釣者也常釣也文王欲舉而授之政而恐大臣父兄之弗安也欲終而釋之而不忍百姓之無天也於是旦而屬諸大夫曰昔者寡人夢見良人黑色而頰乘駿馬而偏朱蹄號曰寓而政於臧丈人庶幾乎民有瘳乎諸大夫蹙然曰先君王也文王曰然則卜之諸大夫曰先

君之命王其無他又何卜焉遂迎臧丈人而授之政典
法無更偏令無出三年文王觀於國則列士壞植散羣
長官者不成德缺斛不敢入於四境列士壞植散羣則
尚同也長官者不成德則同務也缺斛不敢入於四境
則諸侯無二心也文王於是焉以為太師北面而問曰
政可以及天下乎臧丈人昧然而不應泛然而辭朝令
而夕遁終身無聞顏淵問於仲尼曰文王其猶未邪又
何以夢為乎仲尼曰默汝無言夫文王盡之也而又何

論刺焉彼直以循斯須也

○寓言
非實

詩文王在上於昭于天周雖舊邦其命維新有周不顯
帝命不時文王陟降在帝左右亶亶文王令聞不已陳
錫哉周侯文王孫子文王孫子本支百世凡周之士不
顯亦世世之不顯厥猶翼翼思皇多士生此王國王國
克生維周之楨濟濟多士文王以寧穆穆文王於緝熙
敬止假哉天命有商孫子商之孫子其麗不億上帝既
命侯于周服侯服于周天命靡常殷士膚敏裸將于京

厥作裸將常服黼冔王之蓋臣無念爾祖無念爾祖聿修厥德永言配命自求多福殷之未喪師克配上帝宜鑒于殷駿命不易命之不易無遏爾躬宣昭義問有虞

殷自天上天之載無聲無臭儀刑文王萬邦作孚

詩序文王

文王受命作周也 呂氏春秋周文王處岐諸侯去殷三淫而翼文王散宜生曰殷可伐也文王弗許周公旦乃作詩曰文王在上於昭于天周雖舊邦其命維新以繩文王之德 文王之德蓋周有天下之後追述文德以見天命所由集王業所由隆譜謂文王時詩則非矣朱子曰周公追述文王之德以戒成王 禮稽命徵文王見禮壞樂崩道派無主故設禮經三百威儀三千〇注云蓋文王本有此意周公述而成之

文王之為西伯舊矣紂十三年乃賜弓矢鉞鉞得專
征伐詩曰文王受命有此武功書曰文王受命惟中
身受命云者一受殷命而征諸侯一受天命而興周
室蓋天眷有德命之去留介在微茫以文王之至聖
受辛之至愚雖文王小心昭事無失臣節然而殷命
已違天意民心俱歸於有周矣故曰周雖舊邦其命
維新茲受命之實也明年虞芮質成明年伐犬戎明
年伐密須明年敗耆國明年伐邠明年伐崇侯虎遂

作豐邑立靈臺建辟雍逾年而薨蓋自姜里之出至是九年矣當是時國有三仁猶冀殷命之長也故其言曰父雖無道子不敢不孝君雖無道臣不敢不忠率畔國以事紂守臣禮以終身誠所謂至德哉而說者以為西伯於受命之年稱王改元斷虞芮之訟後十年而崩武王立不改元居喪二年伐紂泰誓稱十有三年者因文王之年也吁何其言之妄邪詩書所稱文王皆後世追述之辭武王追王三王實在牧野

既事之後且元年者人君即位之始年也古未有一
君而再元者若文王之中年不宜改元而改武王之
初年宜改元而不改不幾於秦漢之蔽惑五季之簡
陋乎故秦誓所稱即武王十三年也史記周本紀云
武王即位九年祭文王之墓於畢然後觀兵盟津而
伯夷列傳復有父死不葬之說進退無據俾後世俗
儒不本經而信傳記以厚誣聖人紛紛異端之說所
由來矣

繹史卷十九